

爲分別此五欲事舍利弗白佛唯天中天云何

菩薩摩訶薩行般若波羅蜜佛言舍利弗

菩薩摩訶薩行般若波羅蜜不見菩薩亦不見菩薩字亦不見般若波羅蜜亦不見行般若波羅蜜字亦不見非行所以者何菩薩之字自然空其爲空者無色無痛痒思想生死

識不復異色空不復異痛痒思想生死識空

如色空痛痒思想生死識亦空所謂空者色

則爲空痛痒思想生死識亦自然所以者何

所謂菩薩但假号耳所謂道者則亦假号所謂空者則亦假号其法自然不起不滅亦無塵勞無所依猗無所諍訟若有菩薩所行

如是不見所起亦不見所滅不見所猗不見所訟所以者何詐立字因遊客相或想念故而致此法何從立字但託虛言曉了如是菩薩摩訶薩則爲行般若波羅蜜一切不見有名号也已無所見亦非不見則無所猗則爲行般若波羅蜜

光讚般若波羅蜜經卷第一 河一

光讚般若波羅蜜經卷第二 河二

西晉月支沙門竺法護譯

行空品第三

佛復告舍利弗菩薩摩訶薩行般若波羅蜜時當作斯觀所号菩薩所謂佛者亦假号耳所謂名色痛痒思想生死識亦假号耳皆由

所行如是爲隨怛薩阿竭所教行般若波羅蜜捨怛薩阿竭已其智慧過諸聲聞辟支佛所興空行而不迷惑所以者何其人所修不見於字所當倚者菩薩摩訶薩行如是者爲行般若波羅蜜佛言辟如舍利弗摩訶目犍連諸比丘等使滿闇浮提猶如竹蘆甘蔗稻麻聚林智慧具足終不能及行般若波羅蜜菩薩百倍千倍萬倍億倍不住以前所以者何菩薩智慧欲度一切衆生之類之所以也復次舍利弗菩薩摩訶薩行般若波羅蜜一日行智皆過聲聞辟支佛所立之上置是滿闇浮提舍利弗摩訶目犍連等比丘等正使

慧一日過一切聲聞辟支佛智慧百倍千倍巨億萬倍不相屬逮於是賢者舍利弗白世尊曰唯然其聲聞智慧須陀洹斯陀含阿那含阿羅漢辟支佛菩薩怛薩阿竭阿羅訶耶三佛智慧計此一切所有智慧無所破壞無所諍訟而無所起自然爲空唯天中天其無所壞無所諍訟無起自然空者寧可獲致若干差特不平云何菩薩一日行智慧而復於此過一切聲聞辟支佛乎佛告舍利弗於舍利弗意云何菩薩所以行般若波羅蜜者何一日之中所行智慧所建立願修於幻術而行愍哀皆爲一切衆生之類悉了諸法以化群萌欲令滅度諸聲聞辟支佛寧爲興立如是之緣智慧不平答曰不也天中天佛言於舍利弗意云何諸聲聞辟支佛豈有此念我等當逮阿耨多羅三耶三菩阿惟三佛教捷連諸比丘等辟如東方江河沙等諸佛國土悉滿其中舍利弗摩訶目犍連諸比丘等普及十方斯等不及行般若波羅蜜菩薩智

河光讚

二

所有智慧百倍千倍巨億萬倍終不相及於意云何聲聞辟支佛寧有此念吾等當行六波羅蜜教化衆生嚴淨佛土具足怛薩阿竭十種力四無所畏四分別辯十八不共諸佛之法得成阿耨多羅三耶三菩阿惟三佛度脫滅度無量無限不可計數衆生之類不答

曰不也天中天佛言菩薩摩訶薩發心念言吾當奉行六波羅蜜具一切法成阿耨多羅三耶三菩度脫不可計數衆生之類佛言辯如日之宮殿奮其光明一時普照闇浮提地無不周遍如是舍利弗菩薩摩訶薩行六波羅蜜具十種力四無所畏四分別辯十八不共諸佛之法逮成阿耨多羅三耶三菩開化度脫無量無限不可計數衆生之類賢者舍利弗白佛言云何菩薩摩訶薩越於聲聞辟支佛地而便逮及阿惟越致地淨修佛道佛告舍利弗於是菩薩摩訶薩從初發意行六波羅蜜過於空法無想無願則為超越聲聞

辟支佛地住阿惟越致地賢者舍利弗復白佛言云何菩薩摩訶薩於一切聲聞辟支佛為眾祐佛告舍利弗菩薩摩訶薩從初發意行六波羅蜜至坐佛樹常於一切聲聞辟支佛為眾祐所以者何菩薩摩訶薩若來現者則自然興真妙之法具足十善又成五戒立八等事及八閑齋四禪四等心四無色三昧四意止四意斷五根五力七覺意八由行現於世間如來十力四無所畏四分別辯十八不共諸佛之法如是輩類衆善之德興現于世則分別君子族姓梵志長者勢族大姓及忉利天上至三十三處想無想天須陀洹斯陀含阿那含阿羅漢辟支佛怛薩阿竭阿羅訶三耶三菩緣此別知有此事耳舍利弗白佛言云何菩薩摩訶薩淨畢衆祐世尊告曰菩薩摩訶薩於衆祐中無所淨畢所以者何究竟於空則為菩薩摩訶薩成衆祐也所以者何舍利弗菩薩摩訶薩為布施士何

所施者以善法施開化衆生何謂善法十善之事五戒六波羅密十力四無所畏四分別辯十八不共諸佛之法開化須陀洹斯陀含阿那含阿羅漢辟支佛怛薩阿竭阿羅訶三耶三佛布施之士舍利弗復白佛言唯然世尊菩薩摩訶薩遵修何行爲行般若波羅密佛告舍利弗於是菩薩設行色空者則爲行般若波羅密設行痛痒思想生死識空者是則爲行復次舍利弗菩薩摩訶薩解知眼空耳鼻舌身意空者此則爲行解眼界空耳鼻舌身意界空者此則爲行解眼色眼識空耳聲耳識鼻香鼻識舌味舌識身細滑身識意所欲意識空者此則爲行解苦空者集亦復空盡亦復空八由行亦空此則爲行解無黠亦空行亦空識亦空名色亦空六入亦空所更亦空痛痒亦空思愛亦空所受亦空所有亦空生老死亦空此則爲行解一切法空此則爲行諸所自然有爲無爲悉能解空此則

爲行菩薩摩訶薩行般若波羅密解本淨空志性亦然此則爲行舍利弗是爲菩薩摩訶薩行般若波羅密當解是七空此乃爲行以此七空行般若波羅密色無應不應無行不行不作此觀不見痛痒思想生死識應不應行不見色法有所起有所滅不見痛痒思想生死識法有所起有所滅不見色法有所依著法有所依著法有所諫訟不見痛痒思想生死識法有所依著法有所諫訟不見與色而俱遊居不見與痛痒思想生死識而俱遊居不見與生死而俱遊居亦不見不與生死而俱遊居也所以者何永無有法而與俱緣起諸事本淨爲空舍利弗色則爲空則無有色痛痒思想生死識空則無有識佛語舍利弗其爲空者無有起者無有滅者假使色空則無有色假使痛痒思想生死識空則無有識設使色空則不有見設痛痒空則無所患設思想空則無所念設使行空則無所造設識空者

無所分別所以者何舍利弗色者則異不與空同空不爲異色不爲分別色自然空色則爲空痛痒思想生死識不爲別異空亦不異設空不異識亦不異識自然空識則爲空佛語舍利弗其爲空者不起不滅無所依著無所諍訟無所增無所損無過去無當來無現

河光卷二

五

在彼亦無色痛痒思想生死識亦無眼耳鼻舌身心亦無色聲香味細滑所欲法彼則無無點不滅無點不行不識不名色不六入不細滑不痛不愛不受不有不生不老不病不死亦不滅除生老病死彼亦無苦亦無集亦無所盡亦無所由彼亦無得亦無有時彼無須陁洹果無斯陁含果無阿那含果無阿羅漢果無辟支佛覺亦無得道亦無佛道菩薩摩訥薩行般若波羅蜜如是者則爲行菩薩摩訥薩行般若波羅蜜不見般若波羅蜜應不應行不行不見施不戒不忍不進不禪不智不見是六波羅蜜不見色痛痒思想生死

識應不應行不行不見眼應不應行不行不見耳鼻舌身心應不應行不行不見色聲香味細滑所欲法應不應行不行不見四意止應不應行不行不見四意斷四神足五根五力七覺八由行應不應行不行不見十種力四無所畏四分別辯十八不共諸佛之法應不應行不行不見怛薩阿竭薩云然慧應不應行不行是爲舍利弗菩薩摩訥薩行般若波羅蜜此乃應行佛語舍利弗菩薩摩訥薩行般若波羅蜜空不與空闡空不與空行無相不與無相關無相不與無相行無願不與無願闡無願不與無願行空不與空相應無相不與無相應無願不與無願相應所以者何空者無行不行無相者亦無行不行無願者亦無行不行菩薩摩訥薩行般若波羅蜜能如斯者此乃爲行佛復語舍利弗菩薩摩訥薩行般若波羅蜜諸法自然相則得度空已得度空不與色諍亦無所行不與痛痒

思想生死識諍亦無所行不與過去色諍亦不見過去色不與當來色諍亦不見當來色不與現在色諍亦不見現在色不與過去痛痒思想生死識諍亦不與當來現在痛痒思想生死識諍亦不見過去當來現在痛痒思想生死識復次舍利弗菩薩摩訶薩行般若

河光卷二

六

波羅蜜不與過去當來諍不與當來過去諍不與現在過去當來諍不與過去當來現在諍不見三世興於空行般若波羅蜜如是行者此乃爲行復次舍利弗菩薩摩訶薩行般若波羅蜜所行如是如所應行不與過去薩云若訟行亦不見過去何所薩云若過去安

者此乃應行復次舍利弗菩薩摩訶薩行般若波羅蜜亦不遵薩云若檀波羅蜜亦不見檀波羅蜜刀波羅蜜釋提波羅蜜惟逮波羅蜜禪波羅蜜般若波羅蜜亦復如是亦不行薩云若般若波羅蜜亦不見薩云若般若波羅蜜亦不遵薩云若四意止亦不見薩云若四意止亦不遵薩云若四意斷四神足五根五力七覺意八由行亦不見薩云若意止意斷神足根力覺意由行亦不遵薩云若十種力四無所畏四分別辯十八不共諸佛之法亦無所見亦不見薩云若怛薩阿竭諸力法行般若波羅蜜但如是者此乃爲行復次舍

河光卷二

七

利弗菩薩摩訶薩行般若波羅蜜不行薩云
若佛佛亦不行薩云若不行薩云若道道亦
不行薩云若所以者何佛則薩云若薩云若
則佛道則薩云若薩云若則道十種力四無
所畏四分別辯十八不共諸佛之法亦復如
是佛語舍利弗行般若波羅蜜能如是者此

乃爲行復次舍利弗菩薩摩訶薩行般若波
羅蜜不行色有不行色無有不行痛痒思想
生死識有不行痛痒思想生死識無有不計
色有常亦不計色無常不計色苦不計色樂
不計色有我不計色無我五陰六衰亦復如
是不計五陰空無空不計五陰有相無相不
計五陰有願無願行般若波羅蜜今我所行
亦無所受亦無所行亦無所取不有所行亦
不行不有所受亦不不受不有所取亦不
取佛語舍利弗菩薩摩訶薩行般若波羅
蜜能如是者此乃爲行復次舍利弗菩薩摩
訶薩行般若波羅蜜不用擅波羅蜜尸波羅

蜜羣提波羅蜜惟逮波羅蜜禪波羅蜜故行
般若波羅蜜不用阿惟越致地教化衆生故
行般若波羅蜜不用淨佛國土故行般若波
羅蜜不用怛薩阿竭十力故行般若波羅蜜
不用四無所畏四分別辯十八不共諸佛之
法行般若波羅蜜不究竟空不用內空不用
外空不用內外空不用空空故不用大空故
不用真空故不用有爲空故不用無爲空不
用究竟空故不用無品空故不用本淨空故
不用自然相空故不以一切法空不以無起
空故不以無滅空故不以無形空故不以自
然空故不以有形無形空故不以無本故不
河光三
八
以法界故不以本際故行般若波羅蜜所以
者何菩薩摩訶薩行般若波羅蜜時於諸法
無所破壞亦無所見復次舍利弗菩薩摩訶
薩行般若波羅蜜不用神足故行般若波羅
蜜不用天眼故不用天耳故不用觀他人心
故不用念過去事故所以者何行般若波羅

蜜時亦不見船若波羅蜜何況當覩菩薩諸神通乎行船若波羅蜜能如是者此乃應行復次舍利弗菩薩摩訶薩行船若波羅蜜時心不念言我當以神足往詣東方江河沙等見諸如來稽首爲禮亦不自念到八方上下亦復如是等無有異行船若波羅蜜能如是者此乃應行復次舍利弗菩薩摩訶薩行船若波羅蜜不自念言諸佛世尊所可暢說吾則當以天耳皆聽吾當察見衆生之心所可念者當念過去所遊居處我以天眼見諸群萌在所之處佛言行船若波羅蜜能如是者此乃應行舍利弗行如是者則爲度脫無央數不可計會衆生之類菩薩摩訶薩能如是者魔及官屬不能得便又復見及他方世界諸人民逢聞其德皆爲作禮復次東方江河沙等諸佛世界八方上下諸佛世尊皆共擁護於是菩薩終不墮墜於聲聞辟支佛地四天王上阿迦臘吒天悉共擁護是菩薩摩訶

薩將無伺求得其便者所可興發所當作者得現在福所以者何而以慈心向諸衆生如是舍利弗菩薩摩訶薩行船若波羅蜜能如是者乃爲應行復次舍利弗菩薩摩訶薩行船若波羅蜜而以微勞得憩持門三昧門速疾近此怛薩阿竭阿羅訶三耶三普一切所生常值見佛不離諸佛至達成阿耨多羅三耶三普佛言行船若波羅蜜能如是者乃爲應行復次舍利弗菩薩摩訶薩行船若波羅蜜不自念言寧有諸法所謂法者一切爲應若不應乎爲平等不平等乎所以者何於時行者不見諸法應若不應行若不行等與不等佛言行船若波羅蜜能如是者乃爲應行復次舍利弗菩薩摩訶薩行船若波羅蜜不自念言我當速解諸法之界至阿惟三佛亦無阿惟三佛所以者何遠法界者亦無所覺行船若波羅蜜能如是者乃爲應行復次舍利弗菩薩摩訶薩行船若波羅蜜不見諸法

及與法界有諸疾病及與空寂行般若波羅蜜能如是者乃為應行復次舍利弗菩薩摩訶薩行般若波羅蜜不自念言諸法法界有若干種不計別異行般若波羅蜜能如是者此能應行復次舍利弗菩薩摩訶薩行般若波羅蜜不自念言於是諸法及與法界觀與

不觀見與不見所以者何彼則不見諸法所有可持諸法分別觀也行般若波羅蜜能如是者乃為應行復次舍利弗菩薩摩訶薩行般若波羅蜜不念法界憂行空事其空事者不憂法界行般若波羅蜜能如是者乃為應行復次舍利弗菩薩摩訶薩行般若波羅蜜不念眼界為空空乎亦不憂眼界色不憂空空不憂色色界不憂空空界不憂色眼識界不憂空識界不憂眼識空耳鼻舌身心聲香味細滑所欲法亦如是心界不憂空空界不憂心法界不憂空空界不憂法識界不憂空空界不憂識佛言舍利弗是為第一行所謂

空行菩薩摩訶薩能行空者則不墮落聲聞辟支佛地能淨佛國開化衆生疾遠阿彌多羅三耶三菩成阿惟三佛計諸所行般若波羅蜜行般若波羅蜜行為最極尊為長為上無底無比所以者何般若波羅蜜行為無上行空無相無願行菩薩摩訶薩應行如是當作斯持速得近於受別之地菩薩摩訶薩應此行者為無數不可計衆生開度利誼若不念言我行般若波羅蜜諸佛世尊當受汝也亦不念言我得親近也於受汝也我當清淨於佛國土得至阿彌多羅三耶三菩阿惟三佛當轉法輪所以者何彼其行者不著法界亦不虛寂不見異法當行般若波羅蜜諸佛天中天受我決及達阿彌多羅三耶三菩阿惟三佛所以者何菩薩摩訶薩行般若波羅蜜者不起人想不起我想不起壽想不起命想不起衆生想不起見知想所以者何計於吾我衆生不起不滅又計人本不起不滅其

不起不滅者何所行般若波羅蜜菩薩摩訶薩行能如是人無所起屬行般若波羅蜜衆生爲空衆生衆得衆生寂寢爲行般若波羅蜜如是舍利弗菩薩摩訶薩遵修於空爲第一行復次舍利弗菩薩摩訶薩行般若波羅蜜能如是者則皆超踰一切諸行置是所可

河光卷一

十一

遵行爲大慈行爲大悲行菩薩摩訶薩行於此者終不起貪嫉之心無毀戒心無瞋恚心無懈怠心無亂意心無邪智心

光讚般若波羅蜜經行空品第三下

賢者舍利弗白佛言菩薩摩訶薩行是般若波羅蜜從何所退沒而生於是佛語舍利弗是菩薩學訶薩行般若波羅蜜者從他方佛國終而生於此若兜術天上遷移生此人間或於人中來生疾遠是般若波羅蜜行其行般若波羅蜜者於此現世而得成就其人速近深妙法門然後究竟般若波羅蜜常值見

怛薩阿竭阿羅訶三耶三佛所在國土不離諸佛或有菩薩摩訶薩從兜術天化沒其身一生補處則不失六波羅蜜所至到處諸總持門一切悉具疾近三昧門佛言舍利弗菩薩從人中終還主人間此菩薩者則爲阿惟越致其人覩彼諸根寂定不能速逮般若波羅蜜之行定也亦不得近諸總持門無三昧門又舍利弗問言菩薩摩訶薩行是般若波羅蜜者於此壽終當生何所佛言於此壽終從一佛國遊一佛國諸佛世尊所現在處未曾離諸天中天或有菩薩摩訶薩無惱憊拘舍羅修第一禪至于四禪行六波羅蜜由此禪故生長壽天上假使從彼壽終之後還得人身值見諸佛世尊諸根寂定而不聰明佛告舍利弗或有菩薩摩訶薩行第一禪至于四禪行般若波羅蜜而無惱憊拘舍羅然後捨禪生於欲界是菩薩摩訶薩諸根寂定而不聰明佛告舍利弗或有菩薩摩訶薩行第

一禪至于四禪不離般若波羅蜜觀於空慧而入於定至于識意慧而入於定至于無用慧而入於定至于有想無想而入於定過是四天修四意止四意斷四神足五根五力七覺意八由行行于大哀有溫和拘舍羅所生之處不隨禪教不從慈悲喜護不順無色之

河光卷三

士

禪自在所生所生之處常見現在怛薩阿竭阿羅呵三耶三佛不離般若波羅蜜是拔陀劫中當得阿耨多羅三耶三佛得成阿惟三佛佛告舍利弗或有菩薩摩訶薩行第一禪至于四禪行四等心過是四天修四意止四意斷四神足五根五力七覺意八由行行于大哀有溫和拘舍羅而不離般若波羅蜜觀於空慧而入於定至于識意慧而入於定至于無用慧而入於定至于有想無想而入於定過是四天修四意止四意斷四神足五根五力七覺意八由行行于大哀有溫和拘舍羅所生之處不隨禪教不從慈悲喜護不順無色之

禪教而有所生其人即生四大天王天上初利天上益天上兜術天上尼摩羅天上波羅尼蜜天上生於彼闡教化衆生淨於佛土見諸佛世尊不離道教佛告舍利弗或有菩薩摩訶薩行般若波羅蜜有溫和拘舍羅修第一禪行四等心於是壽終生梵身天王梵具天上梵度著天上大梵天在彼梵天及大梵天從一佛國遊一佛國諸佛所現之土成阿耨多羅三耶三菩至阿惟三佛轉法輪者其菩薩摩訶薩勸助諸佛令轉法輪佛告舍利弗一生補處開士大士行智度無極以善權方便現行第一禪至四禪慈悲喜護三昧

河光卷三

十三

至于空慧識慧無用慧有想無想過是四天修三十七品行大哀行空三昧無想三昧無願三昧開士交遊自在所生也其人面自現諸佛世尊在其佛所淨修梵行生兜術天上在於其上爲開導師所度如船諸根無假常安寂定爲無央數億百千垓諸天眷屬圍繞

俱下於此得成無上正真之道成最正覺佛告舍利弗開士大士得六神通其人不生欲天色天無色天從一佛國遊一佛國稽首奉事諸如來至真等正覺佛告舍利弗開士大士得六神通而自娛樂從一佛國遊一佛國所在佛國不聞聲聞緣覺聲亦不聞名佛告舍利弗開士大士得六神通而自娛樂普遊十方從一佛國到一佛國所至佛土壽命極長可不稱限劫數之底佛告舍利弗開士大士得六神通而自娛樂從一佛界到一佛界所至佛土無有佛法及與聖衆便爲歌頌分別解說佛法聖衆功德之事衆生應時聞佛

法聖衆音聲心懷欣豫壽終之後皆生有佛世尊現在國土佛告舍利弗開士大士從始發意不得第一禪至于四禪四等梵行四無色定四意止四意斯四神足五根五力七覺意八由行十種力四無所畏四分別辦十八不共諸佛之法者終不曾生欲界色界無色界所生之處在於衆生求名譽之土佛告舍利弗開士大士行六度無極從初發意度于滅寂得不退轉住不動轉地當至無上正真之道成最正覺佛告舍利弗開士大士從初發意得無上正真之道成最正覺便轉法輪爲無央數不可稱計衆生之類開導利誼有所加益然後至於無餘於涅槃界而般涅曰般涅曰後其法則住一劫若復過劫復次舍利弗開士大士從初發意行智慧度無極與無央數億百千垓諸開士俱從一佛國遊一佛國所生佛土嚴淨境界佛告舍利弗開士大士行智慧度無極逮得四禪及四等心四無色定而自娛樂得第一禪從一禪起入寂然定而以正受從滅定禪起至于四禪而以思惟從四禪起滅寂禪定從滅寂禪起至無量空禪從無量空禪起以滅定禪從滅定禪起至有想無想而入禪定從有想無想禪定起以滅寂禪定是爲舍利弗開士大士行智

河光錄二

古

慧度無極以善權方便而現所行三昧正受
佛告舍利弗開士大士得四意止四意斷四
神足根力覺意至于八由十種力四無所畏
四分別辯十八不共諸佛之法不得流布果
往來果不還果無著果緣覺果行智慧度無
極以善權方便與八聖路開化衆化令得流

布果往來果不還果無著果緣覺果佛告舍
利弗其聲聞緣覺果慧則比開士遠得法忍
則知開士為不退轉行是智慧度無極佛告
舍利弗開士大士行六度無極住六度無極
在兜術天而具足衆空便畢其開士大士則
當知足在賢劫開士數中當成佛佛告舍利

弗開士大士遠得四禪及四等心四無色定
四意止四意斷四神足根力覺意至于八由
十種力四無所畏四分別辯十八不共諸佛
之法其有衆人行佛道者終不建立於四聖
諦其開士大士則為應在一生補處佛告舍
利弗開士大士行六度無極從一佛界度一

佛界普遊諸國所至之處教化衆生使立佛
道其開士大士無央數不可稱計劫遠得無
上正真之道成最正覺佛告舍利弗開士大
士住六度無極常為衆生遵修精進未曾發
意口說無益之事佛告舍利弗開士大士行
六度無極常精進欲救衆生從一佛國遊一

佛國開化群萌使度勸苦斷於三惡考治之
趣佛告舍利弗開士大士住六度無極行布
施度無極眷屬圍繞導御衆生令趣永安飢
者與食渴者與漿無衣與衣無香與香雜香
揭香牀卧之具奴婢車乘金銀七寶所求索
生活之業終不逆人隨其所饒佛告舍利弗
開士大士行智慧度無極自化其身如如來
入于地獄為地獄中人而說經法及畜生餓
鬼分別演誼佛告舍利弗開士大士行六度
無極自化身心猶如佛像度於東方江河沙
等佛土為諸衆生為說經法稽首如來淨其
佛土其聞經者悉發道意如是之比普至十

方諸佛世界觀諸佛國擇取上土自淨國土令其微妙五事有勝於其佛國開士大士具足成就一生補處佛告舍利弗開士大士行六度無極應時具足三十二大人之相諸根上妙而悉通達則以此精進諸根無數人所見愛敬令不可計衆生之類發悅豫心稍稍使入三塗者令得滅度佛言舍利弗開士大士行智慧度無極當清淨其身口意佛告舍利弗開士大士行六度無極諸根上妙形類端正不自咨嗟不說他人瑕常省已過不訟他闡佛告舍利弗開士大士從初發意行布施度無極戒度無極已得住立此二度無極攝取無數轉輪聖王極尊之位不可計限轉輪聖王彼所在處見無數央百千諸佛便稽首禮承事供養諸佛世尊佛告舍利弗開士大士住六度無極為諸衆生演法光明自照已以此法曜未曾失至于無上正真之道成最正覺如是舍利弗開士大士多所照明

於諸佛法是故舍利弗開士大士行智慧度無極常當精修護身口意令身口意無所犯負也賢者舍利弗言唯然世尊何所開士大士精修衆行護身口意無所負犯佛告舍利弗開士大士心自念言是爲彼身所作身所興造有所成立是則爲言是六爲心其心所爲有所成立是爲開士大士護身口意開士大士行智慧無極亦無得身亦不得言亦不得心護使開士大士行智慧度無極得身口意所固身口意則有貪嫉之心則亦復起犯戒之心瞋恚之心懈怠之心亂意之心邪智之心佛言舍利弗如是行者不當名之爲開士是開士大士行六度無極淨身瑕穢淨口瑕穢淨心瑕穢令無缺減是言開士賢者舍利弗白佛言云何開士大士淨身口意之瑕穢世尊答曰假使開士大士不自得身亦復不得口言心念佛言如是舍利弗開士大士淨身口意設使身口意瑕惡則爲利養假令

開士大士從初發意奉行十善報應之句不
發聲聞緣覺意如是開士大士淨除身口意
瓊藏佛告舍利弗開士大士行智慧度無極
欲求佛道行布施度無極戒忍度無極精進
度無極一心度無極舍利弗白佛言云何開
士大士欲求佛道佛告舍利弗開士大士假

河光卷三

十七

使不得身行口言心念不得布施度無極戒
度無極忍度無極精進度無極一心度無極
智慧度無極不得聲聞緣覺不得開士不得
佛道是故開士求於佛道於一切法無所得
故佛告舍利弗開士大士行六度無極已有
所至到亦無所到無能得便舍利弗白佛言
云何開士大士行六度無極有所到亦無所
到無能得便佛告舍利弗開士大士行六度
無極時不念色不念痛痒思想生死識不念
眼耳鼻舌身意不念色聲香味細滑法不念
眼不念色不念眼色識不念耳不念聲不念
耳聲識不念鼻不念香不念鼻香識不念舌

不念味不念舌味識不念身不念細滑不念
身細滑識不念意不念法不念意法識不念
四意止四意斷四神足五根五力七覺意八
由行不念布施度無極戒忍精進一心智慧
度無極不念如來十力四無所畏四分別辯
十八不共諸佛之法不念流布往來不還無
著緣覺無上正真之道成最正覺佛言舍利
弗開士大士如是行者則能具足長益六度
無極所至到處亦無所到無能得便佛告舍
利弗或有開士大士住智慧度無極具足諸
通慧則以其慧所行之謹終不墮落至於無
餘不爲衆人所見增惡亦不貧匱亦不身故
而受於色所以身故而自破壞諸天世人阿
須倫舍利弗白佛言何所開士大士慧佛告
舍利弗開士大士所用承慧見東方江河沙
等如來至真等正覺聞所說法觀於聖衆見
諸佛國清淨清淨之法所以開士大士從所
順慧無有佛想無開士想無聲聞想無緣覺

想不爲已慧有佛土想所以者何開士大士行布施無極不得布施度無極行戒忍精進一心智慧度無極不得戒忍精進一心智慧度無極所以慧致四意止四意斷四神足五根五力七覺意八由行十種力四無所畏四分別辦十八不共諸佛之法是爲開士大士

河

尤第二

十六

慧以用斯慧具足一切諸法之本於一切法亦無所念佛告舍利弗開士大士智慧度無極淨於五眼何等五眼肉眼天眼慧眼法眼佛眼舍利弗白佛言唯然世尊云何開士淨肉眼佛告舍利弗開士大士或以肉眼見四千里或有開士大士自以肉眼見八千里有

開士大士或以肉眼見閻浮提有開士大士或以肉眼見二闍浮提或有開士大士以肉眼見四天下有開士大士以肉眼見千世界有開士大士以肉眼見二千世界有開士大士以肉眼見三千大千世界佛語舍利弗是爲開士大士得肉眼淨舍利弗又問何謂開

士大士得天眼淨佛告舍利弗其四大天王天上諸天眼開士大士皆知之忉利天鹽天兜術天尼摩羅天波羅尼蜜天上至阿迦膩吒天諸天之眼開士大士皆知之其開士天眼及四大天王上至阿迦膩吒天開士皆知之其開士大士天眼以此天眼覩見東方恒

河沙等佛世界衆生終始皆悉知乃至十方諸佛世界悉能覩見衆生生死佛言舍利弗是開士大士天眼淨舍利弗又問唯然世尊云何開士大士慧眼淨佛告舍利弗其開士大士智慧眼者不作是念法有所有有爲無爲有形無形世間法度世法有漏無漏其開

河光第三

十六

士慧眼者覩於諸法無不見聞無量無數是爲開士大士慧眼淨舍利弗又問唯然世尊云何開士大士法眼淨佛告舍利弗於是開士大士則以法眼作是分別某行信某行法某行空某行無想某行無願以是脫門也得五眼得無見三昧已得無見三昧則興發度

智之慧已得度智之慧則斷三結何等爲三
一者貪身二者狐疑三者瞿戒是爲三結能
除貪身無有狐疑不毀禁戒則無有結無有
結者則流布人也彼得行由路除姪欲瞋恚
怒癡薄是謂往還人也以此所由路加以慇
懃姪欲瞋姪怒癡斷是謂不還人也彼於由

路益加懃行少於色欲無色欲無明矯慢斷
除是謂無著人也是謂行空人也空於脫門
而獲五根致無見三昧以無見三昧興發度
慧至得緣覺又此人者已無想脫門得於五
根取要言之至得無著是爲開士法眼之淨
微使開士能分別解其有合會法皆歸盡宗

見語法盡得於五根是爲開士法眼淨復次
舍利弗開士大士分別如是此初發意開士
行布施度無極戒度無極忍度無極精進度
無極一心度無極智慧度無極及信根精進
根而根所行具足善權方便已身常立於善
德根本其開士生於君子貴姓梵志長者四

天王天忉利天塗天兜術天尼摩天波羅尼
蜜天上生於彼天所住之表開化衆生皆令
群萌入於安行淨於佛土值見如來至真等
正覺供養奉事不墮聲聞緣覺地其開士大
士退轉其不退轉至于無上正真之道成最
正覺是開士大士法眼淨復次舍利弗開士

大士分別如是開士已受決者得無上之道
成最正覺某開士未受決於無上正真之道
某開士無所造立某開士是不退轉某開士
非不退轉某開士神通具足某開士神通不
具足某開士神通具足徃詣東方江河沙等
諸佛國土稽首禮於如來至真等正覺供養

河光堂

三

奉事某開士未得神通某開士當得神通某
開士佛土所有則當清淨某開士國土所有
不能清淨某開士當教化衆生某開士不教
化某開士爲諸佛世尊所歎某開士諸佛世
尊當近立在前某開士諸佛世尊不現立前
某開士壽命當有限某開士壽命無有量某

開士比丘衆當有限某開士比丘衆當無限
某開士得無上正真之道成最正覺以衆開
士爲僧某開士得爲佛時無開士衆某開士
當以勤苦行成某開士當以安隱行成某開
士當究竟終始窮盡某開士不究竟終始窮
盡某開士當坐道場樹下某開士不坐道場

德法皆悉解了聲聞法緣覺法開士法是故
舍利弗得平等心至斯行者則便救攝一切
諸法當覺智慧度無極智慧度無極是五眼
之親母也開士大士學是五眼以逮得無上
正真之道成最正覺

延聖院比丘清滿書

光讚般若波羅蜜經卷第二 河二

樹下某開士當有魔試某開士無魔試某開
士如是舍利弗是爲開士大士法眼淨舍利
弗白佛言云何開士大士佛眼淨佛告舍利
弗開士大士所用因與無上道意金剛之喻
三昧正受具足一切諸通慧如來十力四無
所畏四分別辯十八不共諸佛之法大慈大

悲至于開士大士眼普達一切佛法於一切
佛法無所不見無所不聞無有限量無所不通
是舍利弗開士大士達得無上正真之道
成最正覺時乃能具足得佛眼淨佛告舍利
弗如是開士大士欲得五眼當奉行六度無
極所以者何是故六度無極皆入一切諸善

光讚般若波羅蜜經卷第三 河三

西晉三藏法師竺法護譯

行空品第三之下

佛告舍利弗或有開士大士修於神通至度
無極無央數神通因緣之事住於斯地以一
身之化若干形還復爲一身於是牆壁隔礙

秀